


汇古菁华 第五册

(明) 张国玺 刘一相 编



电子科技大学出版社

滙
古
菁
華

(第五册)



电子
常州大学图书馆
藏书章
大学出版社

图书在版编目 (C I P) 数据

汇古菁华:全6册/(明)张国玺,(明)刘一相编
-- 成都:电子科技大学出版社,2017.10
ISBN 978-7-5647-5190-6

I . ①汇… II . ①张… ②刘… III . ①古籍—汇编—
中国 IV . ① Z121.7

中国版本图书馆 CIP 数据核字 (2017) 第 239300 号

汇古菁华 (全 6 册)

(明) 张国玺 刘一相 编

策划编辑 刘 愚 杜 倩
责任编辑 刘 愚 李 倩

出版发行 电子科技大学出版社
成都市一环路东一段 159 号电子信息产业大厦九楼 邮编 610051

主 页 www.uestcp.com.cn

服务电话 028-83203399

邮购电话 028-83201495

印 刷 虎彩印艺股份有限公司

成品尺寸 185 mm × 260 mm

印 张 180

字 数 1400 千字

版 次 2017 年 10 月第 1 版

印 次 2017 年 10 月第 1 次印刷

书 号 ISBN 978-7-5647-5190-6

定 价 4980.00 (全 6 册)

版权所有,侵权必究

第五冊目錄

匯古菁華 卷十七 三

匯古菁華 卷十八 二二三

匯古菁華 卷十九 四一五

滙古菁萃

十四

滙古菁華卷十七

唐文

唐太宗帝京篇序

余以萬機之暇遊息藝文觀列代之皇王考當時
之行事軒昊舜禹之上信無間然矣至於秦皇周
穆漢武魏明峻宇雕牆窮侈極麗征稅殫於宇宙
轍跡徧於天下九域無以稱其求江海不能贍其
欲覆亡顛沛不亦宜乎余追蹤百王之末馳心千
載之上慷慨懷古想彼哲人庶以堯舜之風蕩秦

漢之弊用咸英之曲變爛漫之音求之人情不爲
難矣故觀文教於六經閱武功於七德臺榭取其
避燥濕金石尚其諧神人皆節之於中和不係之
於淫放故溝洫可悅何必江海之濱乎麟閣可翫
何必兩陵之間乎忠良可接何必海上神仙乎豐
鎬可遊何必瑤池之上乎釋實求華以人從欲亂
於大道君子恥之故述帝京篇以明雅志云爾

徐賢妃諫太宗息兵罷役疏

自貞觀以來二十有二載風雨調順年登歲稔人
無水旱之弊國無饑饉之災昔漢武守文之常主
猶登刻玉之符齊桓小國之庸君尚圖泥金之望
陛下推功損已讓德不居億兆傾心猶闕告成之
禮云亭停作佇謁未展升中之儀此之功德足以咀
嚼百王網羅千代者矣然古人有言雖伏勿休良
有以也守初保末聖哲罕兼是知大業者易驕願
陛下難之善始者難終願陛下易之竊見頃年以

來力役兼總東有遼海之軍西有崑丘之役士馬
疲於甲冑舟車倦於轉輸且召募投戎去留懷死
生之痛因風阻浪往來有漂溺之危一夫力耕卒
無數十之獲一舩致損則傾數百之糧是猶運有
盡之農工填無窮之巨浪圖未獲之他衆喪已成
之我軍雖除兇伐暴有國常規然黷武玩兵先哲
所戒昔秦皇并吞六國迈速危亡之兆晉武奄有
三方翻成覆敗之業豈非矜功恃大棄德而輕邦
圖利亡害肆情而縱欲遂使悠悠六合雖廣不救

其亡嗷嗷黎庶因弊以成其禍是知地廣非常安
之術人勞乃易亂之源願陛下布澤流仁矜弊恤
乏減行役之煩增湛露之惠妾又聞爲政之本貴
在無爲竊見土木之功不可兼遂北闕初建南營
翠微曾未逾時玉華創制雖復因山藉水非無架
築之勞損之又損頗有工力之費縱以茅茨示約
猶興木石之疲假使和雇取人不無煩擾之弊是
以卑宮菲食聖王之所安金屋瑤臺驕主之爲麗
故有道之君以逸逸人無道之君以樂樂身願陛


下使之以時則力無竭矣用而息之則人斯悅矣
夫珍玩伎巧乃喪國之斧斤珠玉錦繡寔迷心之
酖毒竊見服翫纖靡如變化於自然職貢珍奇若
神仙之所製雖馳華於季俗實敗素於淳風是知
漆器非延叛之方桀造之而人叛玉杯豈招亡之
術紂用之而國亡方念侈麗之源不可不遏作法
於儉猶恐其奢作法於奢何以制後伏惟陛下明
鑒未形智周無際窮奧秘於麟閣盡探頤於儒林
千王治亂之蹤百代安危之跡興衰禍福之數得

失成敗之機故亦苞

苞與包同

吞心府之中循環日

之內乃宸衷之久察無假一二言焉惟恐知之非
難行之不易志驕於業泰體逸於時安伏惟抑志
裁心慎終如始削輕過以滋重德擇後是以替前
非則鴻名與日月無窮盛業與乾坤永大



魏徵諫太宗十思疏

臣聞求木之長者必固其根本欲流之遠者必深其泉源思國之安者必積其德義源不深而望流之遠根不固而求木之長德不厚而思國之安臣雖下愚知其不可而況於明哲乎人君當神器之重居域中之大不念居安思危戒奢以儉斯亦伐根以求木茂塞源而欲流長也凡昔元首承天景命善始者寔繁克終者蓋寡豈取之易守之難乎蓋在殷憂必竭誠以待下旣得志則縱情以傲物

竭誠則胡越爲一體傲物則骨肉爲行路雖董之以嚴刑振之以威怒終苟免而不懷仁貌恭而不服怨不在大可畏惟人載舟覆舟所宜深慎誠能見可欲則思知足以自戒將有作則思知止以安人念高危則思謙冲而自牧懼滿盈則思江海下百川樂盤遊則思三驅以爲度憂憊怠則思慎始而敬終慮壅蔽則思虛心以納下懼讒邪則思正身以黜惡恩所加則思無因喜以繆賞罰所及則思無以怒而濫刑總此十思弘茲九得簡能而

任之擇善而從之則智者盡其謀勇者竭其力仁者播其惠信者效其忠文武並用垂拱而治何必勞神苦思代百司之職役哉